



DŽENAN

VAKAT

JE!

SELIMBEGOVIĆ

**IZBORNI PROGRAM ZA
MANDATNI PERIOD 2023-2028**



IZBORNI PROGRAM

Kandidata za načelnika Općine Stari Grad Sarajevo
za mandatni period 2023-2028.

Sarajevo, oktobar 2023. godine

1. EKONOMSKI RAZVOJ I DOBRA UPRAVA

Realizacijom projekata i aktivnosti u okviru cilja EKONOMSKI RAZVOJ I DOBRA UPRAVA želimo unaprijediti kvalitet života građana Općine Stari Grad, kao i poslovanje privrednih subjekata na području naše općine te približiti sistem javne uprave građanima i privrednim subjektima na način da se usluge Općine učine dostupnijim, jeftinijim i bržim.

To podrazumijeva uvođenje pametnih rješenja e-uprave, odnosno G2C modela (engl. government-to-citizen), koji podrazumijeva efikasno komuniciranje između javne administracije i građana.

Također, Općina Stari Grad ima mnogo resursa koji ili nisu iskorišteni ili ih koriste fizička i privatna pravna lica, pri čemu Općina i njeni građani nemaju nikakve koristi.

PRIORITETI:

- a) Efikasno upravljanje resursima Općine;
- b) Razvoj e-uprave i transparentnosti;
- c) Razvoj turizma i turističkih lokaliteta;
- d) Podrška obrtnicima i privredi.

Projekti

• OSNIVANJE JAVNOG PREDUZEĆA

Općina Stari Grad kao organ uprave nije u mogućnosti direktno vršiti određene poslove iz svoje nadležnosti, stoga smatramo neophodnim osnovati javno preduzeće koje će biti u funkciji razvoja Općine. Između ostalog, javnim površinama koje se koriste kao parkinzi trenutno upravljaju privatna pravna i fizička lica, a od čega Općina ubire beznačajne prihode. Javno preduzeće preuzet će upravljanje nad svim postojećim parkinzima koji se nalaze na javnim površinama, definisat će nove površine za tu svrhu i upravljati javnim garažama. Tako generisani prihodi, višemilionski na godišnjem nivou, bit će usmjereni ka kreiranju ljepšeg ambijenta za život građana Starog Grada tako što će se od tih sredstava izgraditi po jedan moderan dječiji park u svakoj mjesnoj zajednici, organizovati čišćenje Općine od smeća i od snijega, posebno ulica u padinskim dijelovima koje nisu u prioritetima kantonalnog javnog komunalnog preduzeća, finansirati redovno održavanje zelenih površina i organizacija redovnih linija gradskog prijevoza u sve mjesne zajednice koje do sada nisu bile pokrivena redovnim javnim prijevozom, a koji je u nadležnosti kantonalnog nivoa vlasti.

Potpuno svjesni da su nadležnosti podijeljene, opredijeljeni smo usmjeriti svoje kapacitete u rješavanje ovih važnih pitanja na lokalnom nivou.

• OTVARANJE TURISTIČKOG INFORMACIONOG CENTRA

Budući da je Stari Grad turistički najatraktivnija destinacija u Bosni i Hercegovini, otvorit ćemo turistički informacijski centar, koji će biti servis hotelijerima, turističkim radnicima i ugostiteljima.

Na takav način kreirat ćemo sistem koji će dati punu podršku onim građanima Starog Grada koji žive od turizma, s ciljem optimizacije njihovog rada i resursa, što će rezultirati ostvarenjem njihovih punih potencijala i postizanjem dobrobiti za našu lokalnu zajednicu i sve njene građane.

Projekti

• OSNIVANJE POSLOVNOG INKUBATORA

Osnovat ćemo poslovni inkubator, koji će za cilj imati obezbjeđivanje početnih resursa za poduzetnike, te im pružiti mentorstvo i savjetodavnu pomoć, obuku i razvoj poslovnih vještina, umrežavanje, povezivanje i promociju.

Ulaganje resursa, vremena i energije u podsticanje poduzetništva bit će dugoročno opredjeljenje Općine jer smatramo da ćemo na takav način povećati broj radnih mjesta, ali i javne prihode koje ćemo opet ulagati u kreiranje poslovnih prilika za sve zainteresirane građane Starog Grada.

• FORMIRANJE ODSJEKA ZA PODRŠKU OBRTNICIMA I PRIVREDI

Općina kao jedinica lokalne samouprave mora prestati posmatrati privrednike i obrtnike isključivo kroz direktnu finansijsku korist za Općinu. Dužni smo staviti se u njihovu službu kako bi i oni i njihovi radnici bili zadovoljni, što će, u konačnici, svakako rezultirati širim društvenim progresom i indirektnim rastom finansijskih prihoda za Općinu. To je posebno važno u Starom Gradu, gdje je veliki broj privrednika, a naročito obrtnika u službi zaštite naše tradicije, kulture i identiteta. Toj kategoriji privrednika/obrtnika moramo posvetiti posebnu pažnju radi generacija koje dolaze. Zato formiranje posebnog odsjeka za podršku obrtnicima i privredi smatramo svojom obavezom.

2. INFRASTRUKTURA I URBANIZACIJA

PRIORITETI:

- a) Unapređenje komunalne infrastrukture, sistema vodosnabdjevanja i kanalizacije;
- b) Unapređenje saobraćajne infrastrukture;
- c) Povećanje energetske efikasnosti;
- d) Zaštita nacionalnih spomenika i kulturne baštine;
- e) Obnova historijskog jezgra;
- f) Planska urbanizacija svih dijelova Općine.

Projekti

• ZAMJENA DOTRAJALE VODOVODNE I KANALIZACIONE INFRASTRUKTURE

• IZGRADNJA NOVIH I ŠIRENJE POSTOJEĆIH PUTEVA

Most Mahmutovac–Jarčedoli, proširenje puta za Barice, izgradnja šetnice uz obalu Miljacke na potezu od Drvenije, pored Papagajke, do Šeher-Ćehajine ćuprije (Inat kuće), a koja se kasnije preko Bentbaše spaja s Darivom.

• REKONSTRUKCIJA I ASFALTIRANJE ULICA U STAROM GRADU

• JAVNA RASVJETA U SVAKOJ ULICI

• OBNOVA I RESTAURACIJA OBJEKATA NA PODRUČJU HISTORIJSKE JEZGRE STAROG GRADA

Projekti

• OBNOVA I ZAŠTITA NACIONALNIH SPOMENIKA

• IZGRADNJA MULTIFUNKCIONALNE SPORTSKE DVORANE

Općina Stari Grad jedina je lokalna zajednica u Kantonu Sarajevo koja nema sportsku dvoranu. Naš je plan da na prostoru Mjesne zajednice Bistrik napravimo sportsku dvoranu i da naši stanovnici napokon dobiju moderan multifunkcionalan objekat u Starom Gradu.

• IZGRADNJA STADIONA NA MOŠĆANICI

Mošćanica je mjesna zajednica koja se može pohvaliti bogatim prostorom za razvoj i izgradnju novih sportskih i turističkih sadržaja. S tim u vezi, između ostalog, na lokalitetu Donje Biosko planiramo izgradnju stadiona i sportsko-rekreacionog centra.

• REKONSTRUKCIJA BAZENA NA BENTBAŠI

Bazen na Bentbaši jedan je od simbola Sarajeva, a koji na obnovu čeka duže od deceniju. To je mjesto divnih uspomena, dječije igre i smijeha. Njegova obnova od velikog je značaja za građane Starog Grada i njihov kvalitet života, ali i za samu Općinu Stari Grad i njen ugled. Nećemo dozvoliti da ovaj prostor ostane zapušten, obnovit ćemo ga i tom obnovom najaviti veliki investicioni proces koji će obuhvatiti čitav Stari Grad.

Projekti

• MODERAN DJEČIJI PARK U SVAKOJ MJESNOJ ZAJEDNICI

Roditelji, dede i nane iz Starog Grada moraju s djecom i unučadi odlaziti u druge općine kako bi im priuštili bezbrižnu i sigurnu igru, ali i socijalizaciju sa drugom djecom koja dolaze u dječije parkiće.

Imajući u vidu činjenicu da dječiji park u 21. stoljeću i nije neki veliki projekat, u narednih pet godina potruditi ćemo se da pronađemo lokacije i izgradimo po jedan moderan, siguran dječiji park u svakoj mjesnoj zajednici. Općina Stari Grad postat će oaza porodičnih vrijednosti.

• DARIVA

Dariva je jedan od najljepših dijelova Starog Grada i cijelog Sarajeva te kao takva zaslužuje puno bolje upravljanje i odnos lokalnih vlasti. Kreirat ćemo nove sadržaje, poboljšati infrastrukturu i povećati sigurnost na Darivi kako bi naši sugrađani u svakom dijelu dana mogli uživati i provoditi kvalitetno vrijeme s porodicom i prijateljima.

• BARICE

Barice su po mnogima najljepše sarajevsko izletišta zbog blizine same gradske jezgre, ali i zbog sunčane orijentacije tokom cijele godine. Razvit ćemo sadržaje za sve građane Starog Grada, stanovnike Sarajeva te domaće i strane turiste. Istovremeno ćemo Barice zaštititi od planirane prekomjerne urbanizacije i gradnje.

Projekti

• PARK PRIRODE POPOV GAJ

Popov gaj je područje bogate vegetacije i ogromnog potencijala, ali je već dugo vremena zapostavljeno i ekološki ugroženo.

Od ovog prostora napraviti ćemo mjesto susreta i okupljanja, razviti adekvatne sadržaje za sve generacije, a posebno za naše najmlađe.

• OBDANIŠTE U MZ LOGAVINA

Na lokalitetu Mjesne zajednice Logavina planiramo rekonstrukciju i obnovu obdaništa jer je ovo jedna od mjesnih zajednica u kojoj to pitanje nije riješeno. Svjedoci smo listi čekanja za upis djece u obdaništa, a na ovaj bismo način riješili jedan od gorućih problema u Starom Gradu.

• MULTIMEDIJALNA SALA STARI GRAD

Stari Grad će dobiti novu multimedijalnu salu, koja će se moći koristiti i kao kinodvorana, opremljena najsavremenijim tehničkim uređajima i audio-video sistemom.

Ova će sala biti izgrađena na mjestu nekadašnje "Kineme", koja već decenijama stoji zapuštena.

Pored filmskih projekcija, multimedijalna sala bit će korištena i za umjetničke izložbe, seminare, naučne skupove, predavanja, prezentacije, radionice, festivale i

Projekti

• STAKLENI LIFT BENTBAŠA–VRATNIK

Izgradnjom staklenog kosog lifta, a koji će biti postavljen na strmoj vratničkoj padini, omogućit ćemo građanima prijevoz od Bentbaše do Vratnika, to jeste Jajce kasarne. Bit će to prvi takav lift u Sarajevu, a svojim će se izgledom uklopiti u prostor na kojem je planirana njegova izgradnja.

Realizacijom ovog projekta olakšao bi se i ubrzao svakodnevni odlazak Vratničana do starogradske jezgre. Osim toga, dobili bismo potpuno novu turističku atrakciju, a od Vratnika napravili još atraktivniju turističku destinaciju.

• GARAŽA U MZ MJEDENICA

Općina Stari Grad u velikoj je potrebi za garažnim prostorom, a realizacijom ovog projekta u značajnoj bismo mjeri riješili taj problem u ovom dijelu Starog Grada. Garaža će imati više etaža ispod i iznad zemlje.

• IZRADA NEDOSTAJUĆIH I REVIZIJA POSTOJEĆIH REGULACIONIH PLANOVA

Velika površina Općine Stari Grad, posebno u rubnim i padinskim dijelovima, nije pokrivena regulacionim planovima, što onemogućava razvoj tih dijelova naše lokalne zajednice. Zbog toga ćemo u narednih pet godina regulisati kompletan obuhvat Općine Stari Grad. Postojeći regulacioni planovi, naročito oni koji su još iz perioda prošlog stoljeća, a u kojima su ucrtane saobraćajnice od kojih se u međuvremenu odustalo, bit će korigovani u cilju zadovoljavanja potreba građana. Prilikom korekcije postojećih i izrade novih regulacionih planova, u saradnji sa susjednim općinama, posebno ćemo obratiti pažnju na rješavanje saobraćajne infrastrukture u povezivanju padinskih dijelova s centralnim dijelom naše općine, kako kolskim tako i vertikalnim transportom.

Projekti

Također, imajući u vidu činjenicu da je nakon više od dvije decenije konačno pokrenuta procedura izrade Regulacionog plana Bašćaršija, a koja je u nadležnosti Federacije Bosne i Hercegovine, s obzirom na to da je cijela Bašćaršija kao takva nacionalni spomenik, Općina će se u njegovu izradu aktivno uključiti, uz punu saradnju s Komisijom za nacionalne spomenike Bosne i Hercegovine i uz saradnju sa stručnim timom koji ćemo formirati u vidu urbanističkog savjeta Općine Stari Grad.

• LEGALIZACIJA BESPRAVNO IZGRAĐENIH OBJEKATA

Imajući u vidu činjenicu da je predmetna problematika bespravno izgrađenih objekata regulisana Zakonom o prostornom uređenju te da je ista izbačena iz Zakona 2017. godine, Općina će bez odlaganja krenuti u proces takozvane „predlegalizacije“, odnosno provesti potrebne mjere i aktivnosti za sve građane koji imaju uslove i žele legalizovati objekat kako bi, kad se steknu zakonski uslovi na nivou Kantona, građani odmah mogli provesti postupak legalizacije. Također, Općina će se aktivno uključiti u izradu potrebnih propisa te iste predložiti resornom ministarstvu i Vladi Kantona Sarajevo, ali i pokrenuti kampanju koja će imati za cilj da „natjera“ Vladu KS da konačno riješi taj gorući problem.

3. OBRAZOVANJE

PRIORITETI:

- a) Unaprijediti infrastrukturu škola;
- b) Povećati pristup predškolskom obrazovanju;
- c) Stipendirati najbolje učenike i učenike u potrebi;
- d) Poboljšati sigurnost učenika;
- e) Unaprijediti neformalno obrazovanje.

Projekti

• EKSKURZIJA

Snosit ćemo troškove ekskurzije učenicima završnih razreda osnovnih škola na području Starog Grada.

• STIPENDIJE ZA NADARENE UČENIKE

• STIPENDIJE ZA UČENIKE ZANATSKIH ŠKOLA

• FINANSIRANJE I SUFINANSIRANJE PROGRAMA NEFORMALNOG OBRAZOVANJA

• SARADNJA S LOKALNOM POLICIJOM

• VIDEONADZOR U SVIM ŠKOLAMA

4. SOCIJALNA I INVALIDSKA ZAŠTITA

PRIORITETI:

- a) Pristup osnovnim socijalnim uslugama;
- b) Pomoć ranjivim grupama;
- c) Socijalno stanovanje;
- d) Poboljšanje pristupačnosti javnih prostora i usluga za osobe sa invaliditetom;
- e) Posebna briga o penzionerima.

Projekti

- JEDNOKRATNE POMOĆI
- STIPENDIRANJE UČENIKA U POTREBI
- POMOĆ ZA LIJEČENJE
- POMOĆ U NABAVCI ORTOPEDSKIH I DRUGIH POMAGALA
- PRILAGOĐAVANJE JAVNIH OBJEKATA OSOBAMA S INVALIDITETOM
- JEDNOKRATNA POMOĆ ZA PENZIONERE S NAJNIŽOM PENZIJOM

Projekti

• PROJEKAT “ZAJEDNO JE LJEPŠE”

Kreirat ćemo, financirati i implementirati projekat “Zajedno je ljepše”, u sklopu kojeg ćemo organizovati sezonska putovanja, izlete i aktivnosti za sve penzionere, a u svrhu povećanja kvaliteta njihovog društvenog života i ljepšeg, zdravijeg i ugodnijeg starenja.

Kada je riječ o socijalnoj i invalidskoj zaštiti generalno, Općina Stari Grad u prethodnom je periodu imala kvalitetne programe, što planiramo nastaviti, ali i unaprijediti iste te kreirati nove.

5. BORAČKA PITANJA

PRIORITETI:

- a) Poseban tretman za sve boračke kategorije;
- b) Njegovanje kulture sjećanja;
- c) Socijalna i zdravstvena zaštita boraca;
- d) Pomoć ugroženim borcima.

Projekti

• POSEBNA SLUŽBA ZA BORAČKA PITANJA

Trenutno su boračka pitanja u organizaciji općinskih službi objedinjena sa socijalnom i invalidskom zaštitom, što smatramo da je pogrešno, imajući u vidu činjenicu da borci nisu socijalna kategorija. Sigurni smo da će posebna služba za boračka pitanja doprinijeti vraćanju dostojanstva borcima.

• OBNOVA SVIH MEMORIJALNIH OBILJEŽJA

Odnos vlasti spram memorijalnih obilježja i spomenika u Starom Gradu je sramotan, veliki broj njih oštećen je i zapušten. Nebriga o takvim obilježjima i spomenicima nebriga je o nama, stoga ćemo sva memorijalna obilježja dovesti u izvorno stanje i redovno se starati o njihovoj čistoći.

• IZGRADNJA CENTRALNOG SPOMEN-OBILJEŽJA ZA PRIPADNIKE ARMIJE I MUP-a REPUBLIKE BOSNE I HERCEGOVINE

• PRUŽANJE PRAVNE POMOĆI I PROMOCIJA SVIH BORAČKIH PRAVA

Projekti

Različiti nivoi vlasti u Bosni i Hercegovini, od entitetskog, preko kantonalnog do općinskog, pružaju mnoga prava koja različite kategorije boraca i njihovih porodica imaju. Međutim, veliki broj pripadnika tih kategorija svoja prava ne koristi iz razloga što s istim nisu upoznati. Zato ćemo se potruditi da svaki pripadnik boračkih kategorija bude upoznat sa svojim pravima i pomoći im da ih ostvare.

• STIPENDIRANJE DJECE IZ BORAČKE POPULACIJE

• SISTEMSKA PODRŠKA TURISTIČKOJ PROMOCIJI PERIODA AGRESIJE NA BOSNU I HERCEGOVINU I OPSADE SARAJEVA, S POSEBNIM AKCENTOM NA HEROJSTVA BORACA STAROG GRADA

• PROJEKAT “NJIMA DUGUJEMO OPSTANAK I SLOBODU”

Općina Stari Grad kreirat će, finansirati i implementirati projekat “Njima dugujemo opstanak i slobodu”, a u sklopu kojeg će pripadnici Armije Republike Bosne i Hercegovine obilaziti osnovne škole i pod nadzorom nastavnog osoblja novim naraštajima iz prve ruke prenijeti svoja iskustva.

6. KULTURA I SPORT

PRIORITETI:

- a) Očuvanje kulturne tradicije Starog Grada;
- b) Podrška kulturno-umjetničkim društvima;
- c) Digitalizacija kulturnog nasljeđa;
- d) Izgradnja sportske infrastrukture;
- e) Podrška lokalnim sportskim klubovima i udruženjima;
- f) Podrška izvrsnosti u sportu.

Projekti

• FOND ZA IZVRSNOST U SPORTU

Kreirat ćemo fond za izvrsnost u sportu, iz kojeg ćemo podržavati vrhunske sportiste s prebivalištem u Starom Gradu, a kako bismo podstakli izvrsnost, ali i pomogli da to postanu najbolji ambasadori naše lokalne zajednice.

• ORGANIZACIJA REDOVNIH KULTURNIH DOGAĐAJA

U saradnji s kulturno-umjetničkim društvima te kulturnim ustanovama i institucijama redovno ćemo organizovati kulturne manifestacije, kako u sezoni – radi promocije naše kulture i tradicije, tako i izvan sezone, a kako bismo građanima i privrednicima Starog Grada pružili sadržaje tokom cijele godine.

• KAPITALNI PROJEKTI NAVEDENI I OPISANI U 2. OBLASTI PROGRAMA “INFRASTRUKTURA I URBANIZACIJA”

Obnova, zaštita i stavljanje u funkciju nacionalnih spomenika (Crvena tabija, Žuta tabija, Bijela tabija, vjerski objekti i drugi važni nacionalni spomenici), izgradnja stadiona na Mošćanici, rekonstrukcija bazena na Bentbaši, izgradnja multifuncionalne sportske dvorane.

Projekti

• PROJEKAT “DIGITALIZACIJA KULTURNOG NASLIJEĐA OPĆINE STARI GRAD”

Stari Grad je više od općine, to je duša našeg naroda i naše države, to je muzej našeg postojanja. Stoga smatramo da je neophodno trajno zaštititi naše kulturno naslijeđe i kulturnu baštinu, ali i učiniti je lahko i javno dostupnom.

7. ZAŠTITA OKOLIŠA

PRIORITETI:

- a) Očuvanje postojećih i kreiranje novih zelenih površina;
- b) Očuvanje prirodnih ljepota u Starom Gradu;
- c) Zaštita zelenog pojasa i izletišta;
- d) Sistemska zaštita biljnih i životinjskih vrsta specifičnih za područje Starog Grada;
- e) Redovno čišćenje i održavanje svih javnih prostora;
- f) Pošumljavanje;
- g) Energetska efikasnost.

Projekti

- MAPIRANJE SVIH ZELENIH POVRŠINA
- POŠUMLJAVANJE STAROG GRADA
- POKRETANJE FORMALNIH PROCEDURA I DONOŠENJE ODLUKA IZ NADLEŽNOSTI OPĆINE, ALI I LOBIRANJE NA VIŠIM NIVIMA ZA DONOŠENJE ODLUKA IZ NJIHOVE NADLEŽNOSTI, S CIJEM ZAŠTITE ZELENIH POVRŠINA, ZELENOG POJASA I IZLETIŠTA U STAROM GRADU
- PROGRAM SUBVENCIONIRANJA ZA PRELAZAK DOMAĆINSTAVA NA EKOLOŠKI PRIHVATLJIVIJE IZVORE ENERGIJE
- PROJEKAT UTOPLJAVANJA, OBNOVE I RESTAURACIJE FASADA

8. ZAŠTITA PORODIČNIH VRIJEDNOSTI

PRIORITETI:

- a) Promocija tradicionalne porodice kao takve;
- b) Kreiranje sadržaja za porodice i djecu;
- c) Podrška mladim bračnim parovima;
- d) Pronatalitetne politike.

Projekti

• “MJESEC PORODICE U STAROM GRADU”

Imajući u vidu činjenicu da razne teme, pojave i fenomeni, grupacije, formalne i neformalne skupine ljudi i organizacije imaju i obilježavaju svoje dane i mjesece (u našem se gradu obilježava čak i mjesec “PRIDE-a”), utemeljit ćemo tradicionalni “Mjesec porodice u Starom Gradu”, tokom kojeg ćemo organizovati niz manifestacija, događaja i aktivnosti, a koje će za cilj imati okupljanje porodica iz Starog Grada, Kantona Sarajevo, pa čak i iz cijele države kako bismo svi zajedno slavili i promovisali tradicionalnu porodicu kao osnovnu ćeliju društva i kao univerzalnu vrijednost koja je iz godine u godinu pod sve većim i sve agresivnijim napadima.

• KAPITALNI PROJEKTI NAVEDENI I OPISANI U 2. OBLASTI PROGRAMA “INFRASTRUKTURA I URBANIZACIJA”

Moderan dječiji park u svakoj Mjesnoj zajednici, obnova obdaništa u MZ Logavina, izgradnja multifuncionalne sportske dvorane, rekonstrukcija bazena na Bentbaši, razvoj sadržaja na Darivi, razvoj sadržaja na Baricama, razvoj sadržaja u Parku prirode Popov gaj.

• OSLOBAĐANJE MLADIH BRAČNIH PAROVA OD TROŠKOVA SKLAPANJA VJENČANJA

Projekti

• POVEĆANJE JEDNOKRATNIH NAKNADA ZA SVAKO ROĐENO DIJETE

• PODRŠKA STAMBENOM ZBRINJAVANJU MLADIH BRAČNIH PAROVA